

15. august 2008
25. february 2008

EM 2008/6
FM 2008/15

Siunnersuut: Kalaallit Nunaata Aatsitassarsiornermi Aningaasaateqarfia pillugu Inatsisartut inatsissaat nr. xx, xx 2008-meersoq

Kapitali 1

Aningaasaateqarfiup pilersinneqarnera siunertaalu assigisaallu

§ 1. Kalaallit Nunaata Aatsitassarsiornermi Aningaasaateqarfia Naalakkersuisut pilersitaraat.

Imm. 2. Aningaasaateqarfik namminersortuusutut aningaasaateqarfiuvoq.

Imm. 3. Aningaasaateqarfiup aningaasaatai aningaasaateqarfiup nammineerluni pigisarai, takuulli § 44. Aningaasaateqarfik pisinnaatitaaffinnik pissarsisinnaavoq pisussaaffeqalersinnaallunilu, tamakkununga malittarisassat nalinginnaasut naapertorlugit.

§ 2. Inatsisip siunertaraa namminersornerusut aatsitassanit isertitaasa inissinneqartarnissaat atorineqartarnissaallu pillugit malittarisassiuussinnissaq kiisalu Namminersornerullutik Oqartussat aatsitassanit isertitaasa siunissaq ungasinnerusooq eqqarsaatigalugu tungavissaqartinnissaasa eqqarsaatigineqarnissaat.

Imm. 2. Inatsisip siunertai eqquutsinniarlugit aningaasaateqarfiup makku siunertarai:

- 1) Namminersornerusut aatsitassanit isertitai pissarsiarinissaat,
- 2) aningaasaateqarfiup aningaasaatai ima inissinneqassasut, isumannaassuseq anguneqassalluni kiisalu sapinngisamik amerlanerpaanik iluanaaruteqartinneqassallutik,
- 3) qularnaarneqassaaq aningaasaateqarfiup aningaasaatai namminersornerusut aatsitassarsiornermik sammisaqarnermi aningaasalersuinerannut kiisalu aatsitassarsiornermik sammisaqarnermi aningaasartuutitut matussusiinissanut atorineqassallutik inatsisartut inatsisaanni matumani malittarisassat malillugit kiisalu Inatsisartut aningaasanut inatsisaanni imaluunniit ilassutitut aningaasaliissutini Inatsisartut akuerisaat naapertorlugit,
- 4) tamakku saniatigut qulakkeerneqassaaq aningaasaateqarfiup aningaasaatai taamaallaat namminersornerusunut tunniunneqarsinnaasut inatsisartut inatsisaanni matumani malittarisassat malillugit kiisalu Inatsisartut aningaasanut inatsisaanni imaluunniit ilassutitut aningaasaliissutit Inatsisartut akuerisaat naapertorlugit, aammalu
- 5) qulakkeerinneqataassalluni aningaasaateqarfiup aningaasaatai ima atorineqassasut, Kalaallit Nunaanni inuiaqatigiit siunissami ungasinnerusumi inuiaqatigiit aningaasarsiorneranni sapinngisamik amerlanerpaanik iluanaaruteqartinnissaat sapinngisamillu iluaqutaanerpaamik siunniuteqartinneqassallutik.

Kapitali 2

Nassuiaatit

§ 3. Aatsitassat pillugit inatsimmi paasineqassaaq Kalaallit Nunaanni aatsitassanik misissueqqaarnerit, misissuinerit piianerillu pillugit inatsit.

Imm. 2. Aatsitassarsiornermik sammisaqarnermi paasineqassaaq aatsitassat pillugit inatsit naapertorlugu suliassanik sammisaqarneq.

Imm. 3. Aatsitassanik isertitaqarnermi paasineqassaaq namminersornerusut Kalaallit Nunaanni aatsitassanik misissueqqaarnermi, misissuinermi piianermilu isertitat, soorlu tamanna Namminersornerusut taamaattunik isertitaqarsinnaatitaanerit pillugu inatsimmi eqqartorneqartoq. Aatsitassanik isertitanuttaaq ilaapput namminersornerusut aatsitassarsiornermik sammisaqarnermi peqataanerannit isertitat, ilaallutik isertitat namminersornerusunut tutsinneqartut selskabimi peqataanermi peqataanermi selskabimut atorineqartut, kiisalu selskabimi piginneqataassutinik tunisinermi namminersornerusut isertitaat.

Imm. 4. Aatsitassarsiornermik sammisaqarnermi aningaasaliissuteqarnermi paasineqassaaq, namminersornerusut aatsitassarsiornermi sammisaqarnermut aningaasaliissutaat, tamakkununga ilaallutik selskabini aatsitassarsiornermik sammisaqartunut. Aatsitassarsiornermik sammisaqarnermi aningaasaliissutinut ilaapputtaaq namminersornerusut attaveqarnermut sanaartukkanullu il.il. aningaasaliissutaat, aatsitassarsiornermik sammisaqarnermut atatillugu pisariaqartinneqartunut, tamannalu aatsitassarsiornermik sammisaqarnermi toqqaannartumik pingaaruteqarnerusut.

Imm. 5. Aatsitassarsiornermik sammisaqarnermi aningaasartuutini paasineqassaaq, namminersornerusut aatsitassarsiornermi sammisaqarnermut atatillugu namminersornerusut aningaasartuutaat, ilaallutik sammisat aatsitassat pillugit inatsimmut ilaatinneqartut oqartussaasutut suliassanik isumaginninnermut atatillugu aningaasartuutit kiisalu sanaartukkanik il.il. aatsitassarsiornermik sammisaqarnermi atorineqartunik isaterineq isumannaallisaanerlu kiisalu aatsitassarsiornermik sammisaqareermermi salinernut assigisaannullu aningaasartuutit.

Imm. 6. Suliassanik utertitanik isumaginninnermi aningaasartuuteqarnermi paasineqassaaq, inatsisip atuutsinneqalereerneratigut namminersornerusut suliassat naalagaaffimmit utertillugit akisussaaffigilernerinut atatillugu namminersornerusut inatsit manna malillugu suliassanik isumaginninnerminnut aningaasartuutaat, aningaasartuutit ataatsimut aningaasaliissutinik imaluunniit aningaasanik naalagaaffimmit nuunneqartunit matussuserneqartussaannngikkaangata.

Kapitali 3

Aningaasaateqarfiup aningaasaatai aamma aatsitassanik isertitanik pissarsisarneq

§ 4. Aningaasaateqarfiup aningaasaatai ima amerliartortinneqassapput:

- 1) Namminersornerusut aatsitassanik isertitaat.
- 2) Aningaasaateqarfiup aningaasaataanit iluanaarutit, aamma
- 3) Aningaasat allat, Aningaasanut Inatsisit imaluunniit ilassutitut aningaasaliissutit akuerineqarneratigut aningaasaateqarfiup nuussinissaq pillugu Inatsisartut aalajangiukkumaagassaat tunngavigalugu.

§ 5. Namminersornerusut aatsitassanit isertitaat aningaasaateqarfiup pissarsiarisassavai.

Imm. 2. Naalakkersuisut isumagissavaat, ukiumi aningaasarsiorfiusumi landskarsip naatsorsuutaani namminersornerusut ukiumi aningaasarsiorfiusumi aatsitassanit isertitaat tamaasa ilanngunneqarnissaat immikkullu naatsorsorneqartillugit.

Imm. 3. Naalakkersuisut isumagissavaat, namminersornerusut ukiumi aningaasarsiorfiusumi aatsitassanit isertitaat tamaasa landskarsimit aningaasaateqarfimmut nuunneqarnissaat, Namminersornerullutik Oqartussat naatsorsuuserisarnerat pillugu inatsit naapertorlugu ukiumut aningaasarsiorfiusumut landskarsip naatsorsuutaasa Inatsisartut ataatsimiinneranni Naalakkersuisut saqqummiussinerannit kingusinnerpaamik qaammat ataaseq qaangiutsinnagu.

Kapitali 4

Aningaasaateqarfiup aningaasanik Namminersornerusunut nuussisarnera

§ 6. Naalakkersuisut isumagissavaat Inatsisartut aningaasanut inatsisaannut aamma landskarsip naatsorsuutaanut atasumik immikkut aamma isumagissallugit Namminersornerusut aatsitassarsiornermi sammisaanut aningaasaliissutit, aatsitassarsiornermi sammisani aningaasartuutit kiisalu suliassat tiguneqarsimasut isumaginerinut aningaasartuutit ukiumut aningaasarsiorfiusumut ilanngutissallugit.

Imm. 2. Aningaasaateqarfiup isumagissavaa, imm. 1-imi aningaasaliissutit aningaasartuutitullu taaneqartut inatsimmi matumani malittarisassat naapertorlugit kiisalu inatsisartut aningaasanut inatsisaanni imaluunniit ilassutit aningaasaliissutinik Inatsisartut akuerisisimanagerat naapertorlugu aningaasaateqarfiup aningaasaataannit matuneqarnissaat.

Imm. 3. Aningaasaateqarfiup aningaasaatai imm. 1-imi taaneqartut aningaasaliissutinut aningaasartuutinullu matussusiinissanut atorneqassappata, aningaasaateqarfiup isumagissavaa, aningaasat aningaasaateqarfimmit landskarsimut nuunneqarnissaat kingusinnerpaamik inatsisartut aningaasanut inatsisaata imaluunniit ilassutit akuerineqarnerannit qaammatit marluk qaangiutsinnagit, siusinnerpaamilli ukiumi aningaasarsiorfiusumi pineqartumi ulloq 1. januar. Aningaasaqarnermut niuernernullu tunngasut, ilaallutik aningaasaateqarfiup aningaasaataamik aqutsinermut aningaasalersuinermullu tunngassutillit ajornartitsinngippata, Naalakkersuisut aningaasaateqarfiup siulersuisuisa inassuteqarnerisigut aalajangersinnaapput, nuussinissamut killigititaq kingusinnerusumut kinguartinneqarsinnaasoq, taamaattorli inatsisartut aningaasanut inatsisaata imaluunniit ilassutit aningaasaliissutit akuerineqarnerannit qaammatinik arfinilinnik kingusinnerusinnaani.

Imm. 4. Namminersornerusut aatsitassarsiornermik sammisanut aningaasaliissutaat, aatsitassarsiornermik sammisanut aningaasartuutaat kiisalu suliassat tiguneqartut isumaginerannut aningaasartuutit ukiumi aningaasarsiorfiusumi inatsisartut aningaasanut inatsisaanni imaluunniit ilassutit aningaasaliissutini missingersuusiorneqarsimasunit amerlaneruppata imaluunniit ikinneruppata, aningaasat amerlassusiat landskarsip aningaasaateqarfiullu akornanni assigiinngissutaasa amerlaqataat nuunneqassapput. Nuussineq pissaaq ukiumi aningaasarsiorfiusumi landskarsip naatsorsuutaasa Inatsisartunit

akuerineqareernerisa kingorna kingusinnerpaamik qaammat ataaseq qaangiutsinnagu. Aningaasaateqarfik aningaasanik landskarsimut nuussissappat kiisalu aningaasaqarnermut niuernermullu tunngasut, ilaallutik aningaasaateqarfiup aningaasaataanik aqutsinermut aningaasalersuinerermullu tunngassutillit ajornartitsinngippata, Naalakkersuisut aningaasaateqarfiup siulersuisuisa inassuteqarnerisigut aalajangersinnaapput, aningaasanik nuussineq aatsaat kingusinnerusumi pissasoq, taamaattorli ukiumi aningaasarsiorfiusumi landskarsip naatsorsuutaasa Inatsisartunit akuerineqarnerannit qaammatinik arfinilinnik kingusinnerusinnaanani.

§ 7. § 6-imi taaneqartut eqqaassanngikkaanni aningaasaateqarfiup aningaasaatai inatsisini malittarisassat malillugit kiisalu inatsisartut aningaasanut inatsisaanni imaluunniit ilassutitut aningaasaliissutini Inatsisartut akuerisimasaat naapertorlugit taamaallaat Namminersornerusunut akilerneqarsinnaapput, takuulli imm. 2.

Imm. 2. Aningaasaateqarfiup aningaasaatai Namminersornerusunut akilerneqarsinnaanngillat Namminersornerusut ukiormi aningaasarsiorfiusumi aatsitassanit isertitaat perngaammik ima amerlatigilererat, namminersorneruneq pillugu inatsit naapertorlugu Namminersornerusut aatsitassanit isertitanik ataatsimullu aningaasaliissutinik pissarsisinnaanerit pillugu naalagaaffiup Namminersornerusunut ataatsimut aningaasaliissutaannik ikilisitsinermik kinguneqalernissaat sioqqullugu. Piffissap taassuma kingorna aningaasaateqarfiup aningaasaatai taamaallaat Namminersornerusunut tunniunneqarsinnaapput, ukiumi aningaasarsiorfiusumi Namminersornerusut aatsitassanit isertitaat naalagaaffimmit Namminersornerusunut ataatsimut aningaasaliissutaannik ikilisitsinermik kinguneqarpata, takuulli imm. 3.

Imm. 3. Siunissami, ukiumi missingersuusiorfimmi, missingersuusiorfiniluunniit tulleriinni, - Namminersornerullutik Oqartussat, aatsitassarsiornermit aningaasatigut iluanaarutaat, perngaammik ima amerlatigilerpata, Qallunaat Naalagaaffianit ukiumut Nunatta Karsianut tapiissutinik amerlaninngorlutik, - taava Aningaasaateqarfiup toqqortaanik, Namminersornerullutik Oqartussanut aningaasat tunniussinnaasat, Naalagaaffimmit tapiissutaajuunnaartunit, amerlanerusunik annertussusilerneqarsinnaalissapput.

Imm. 4. Inatsisartut aningaasanut inatsisaanni imaluunniit ilassutitut aningaasaliissutini aalajangerpata aningaasaateqarfiup aningaasaataasa ilaat Namminersornerusunut tunniunneqassasut, aningaasaateqarfiup aningaasat landskarsimut akiliutigissavai, imm. 1 aamma 2-mi piumasaqaataasut eqquutsinneqarsimappata. Inatsisartut aningaasanut inatsisaasa imaluunniit ilassutitut aningaasaliissutaasa akuerineqarnerisa kingorna kingusinnerpaamik qaammatit marluk qaangiunnerini akiliineq pissaaq, taamaattorli ukiumi aningaasarsiorfiusumi pineqartumi siusinnerpaamik 1. januar. Aningaasaqarnermut niuernermullu tunngasut, ilaallutik aningaasaateqarfiup aningaasaataanik aqutsinermut aningaasalersuinerermullu tunngassutillit ajornartitsinngippata, Naalakkersuisut aningaasaateqarfiup siulersuisuisa inassuteqarnerisigut aalajangersinnaapput, nuussinissamut killigititaq kingusinnerusumut kinguartinneqarsinnaasoq, taamaattorli inatsisartut aningaasanut inatsisaata imaluunniit ilassutitut aningaasaliissutaasa akuerineqarneranit qaammatinik arfinilinnik kingusinnerusinnaanani.

Kapitali 5

Aningaasaateqarfiup allaffissornikkut aningaasartuutai aamma taarsigassarsisinnaatitaanera assigisaallu

§ 8. Aningaasaateqarfiup allaffissornikkut aqunneqarnerani aningaasartuutai aningaasaateqarfiup aningaasaataanit akilerneqassapput.

Imm. 2. Aningaasartuutit aningaasaateqarfiup aningaasaataanit akilerneqarsinnaanngippata aningaasartuutit Namminersornerusunit akilerneqassapput, inatsisartut aningaasanut inatsisaannik imaluunniit ilassutitut aningaasaliissutaannik Inatsisartut akuersissuteqartarnerat naapertorlugu.

§ 9. Aningaasaateqarfik taarsigassarsiniarsinnaanngilaq, taamaallaalli taarsigassarsiat sivikitsumik taarsersugassat aningaasaateqarfiup aningaasaataasa 5 %-iisa nalinginik amerlatigisunik, pisiniarluni isumaqatigiissutaareersunik aningaasaliigallarnissanut atugassat, kiisalu piginneqataassunik pisisinnaatitaanermut atuinissanut assigisaannulluunniit.

Kapitali 6

Inatsisinut allanut attuumassuteqarneq assigisaallu.

§ 10. Aningaasaateqarfiit pillugit inatsisit aningaasaateqarfimmut atorneqassanngillat.

Imm. 2. Aningaasaateqarfik akileraartussaataaannngilaq.

Kapitali 7

Aningaasaateqarfiup aqutsisoqarnera allaffissornikkullu aqunneqarnera

§ 11. Aningaasaateqarfik siulersuisunit makkunannga aqunneqarpoq; siulittaasoq 1, siulittaasup tullia 1, aamma ilaasortat 3-t. Inuttut piginnaaneri tunngavigalugit Naalackersuisunit toqqarneqartarput. Siulersuisut ataatsimoorlutik inatsisinik tunngasutigut, aningaasatigut pisuussutinik aqutsinikkut aningaasaliissuteqartarnikkullu qaffasissumik ilisimasaqassapput kiisalu aatsitassanik misissuinermi atuinermilu tunngasuni aningaasarsiornermut inuussutissarsiornermullu attuumassuteqartunik.

Imm. 2. Siulersuisut ukiunut marlunnut toqqarneqartarput, periarfissaqarlunilu ukiunut marlukkaanut sivitsorlugu toqqarneqarsinnaallutik.

§ 12. Siulersuisunut ilaasortat imminnut oqartussaaffigisussaapput. Siulittaasoq, siulittaasup tullia aamma ilaasortaqaq ataaseq Kalaallit Nunaanni Danmarkimiluunniit najugaqartuussapput.

Imm. 2. Siulersuisunut ilaasortat Naalackersuisunut imaluunniit Inatsisartunut ilaasortaasussaannngillat.

Imm. 3. Siulersuisunut ilaasortat ukiumi ullorsiutit malillugit naaneranni 70-inik ukioqalerfissaminni siulersuisunit tunuassapput.

§ 13. Siulersuisunut ilaasortat qaqugukkulluunniit tunuarsinnaapput.

Imm. 2. Siulersuisunut ilaasortaq akiliisinnaajunnaartutut nallunaarutigineqaruni tunuassaaq.

Imm. 3. Siulersuisunut ilaasortaq siulersuisunut ilaasortaaginnarnissaminut naleqqutinngitsumik iliuseqarluni pisuutinneqaruni, siulersuisunit tunuassaaq.

Imm. 4. Siulersuisunut ilaasortaq sivisuumik napparsimanini peqputigalugu allatulluunniit sanngiillilluni siulersuisunut ilaasortaamissaminut isumaginnissinnaajunnaaruni, imaluunniit erseqqissumik tulluukkunnaaruni, siulersuisunit tunuassaaq.

Imm. 5. Siulersuisunut ilaasortaq ilaasortaanerminut atatillugu erseqqissumik Inatsisartut inatsisaanni matumani malittarisassanik sumiginnaasimaguni siulersuisunit tunuassaaq.

§ 14. Naalackersuisut siulersuisunut ilaasortaq § 12-imi piumasaqaatinik eqquutsitsinngitsoq tunuartissinnaavaat. Taamattaaq siulersuisunut ilaasortaq, § 13, imm. 2-5-imi malittarisassat malillugit siulersuisunit tunuartussaasoq naalackersuisut tunuartissinnaavaat.

§ 15. Siulittaasoq, siulittaasup tullia imaluunniit siulersuisunut ilaasortaq siulersuisunit tunuarpat, Naalackersuisunit tunuartinneqarpat imaluunniit toqqagaaffini sulii naammassinngitsoq toqppat, toqqagaaffiup sinnerani atuuttussamik Naalackersuisut paarlatsissamik toqqaassapput. Siulersuisunut ilaasortanik toqqaasarneq pillugu inatsisartut inatsisaannik matumani aalajangersakkat taamatorluinnaq tamakku paarlatsissaannik toqqaanerni atuutissapput.

§ 16. Naalackersuisut siulittaasup, siulittaasup tullia kiisalu ilaasortanut pingasunut tamanut sinniisissanik toqqaassapput. Sinniisissat ukiunut marlunnet toqqarneqartassapput, toqqagaaffinnillu tulliuuttuni piffissamik killiligaanngitsumik toqqaqqinneqarnissamik periarfissaqarluni. Ilaasortanut sinniisinik toqqaasarneq pillugu inatsisartut inatsisaanni matumani aalajangersakkat taamatorluinnaq sinniisissanik toqqaanerni atuutissapput.

Imm. 2. Siulersuisunut ilaasortaq peqataasinnaangippat, taassuma sinniisaa ilaasortaq sinnerlugu siulersuisunut ivertinneqassaaq, ilaasortap peqataasinnaanginnerata nalaani. Siulersuisoq peqataasinnaangippat, taassumalu sinniisaa siulittaasoq sinnerlugu ilaasortanngorpat, siulittaasup suliasai atuuffiilu siulittaasup tullianit isumagineqassapput.

§ 17. Siulersuisunut ilaasortat siulersuisuni sulinerminni akissarsiassaat Naalackersuisunit aalajangerneqartassapput. Aalajangiineq pissaq aningaasaateqarfimmi siulersuisunut ilaasortat akissarsiassaat pillugit aalajangiinissamut Naalackersuisut maleruaqqusaat naapertorlugu. Taamaattunik malittarisassaartoqanngippat aalajangiinermi aallaaviussaaq aktieselskabini Namminersornerusunit pigineqartuni siulersuisunut ilaasortat akissarsiassaat pillugit aalajangiisarnerni Naalackersuisut maleruaqqusaat naapertorlugu.

§ 18. Siulersuisunut ilaasortaq apeqqutini aningaasaateqarfiup pineqartullu akornanni isumaqatigiissutinut tunngasuni samminninnerni peqataasinnaangilaq imaluunniit pineqartumut namminermit eqqartuussivikkut suliaqkiissutit pillugit samminninnerni imaluunniit aningaasaateqarfiup inuullu allap akornanni isumaqatigiissutit imaluunniit inummut allanut eqqartuussivikkut suliaqkiissutini, pineqartoq tamakkunani annertuumik soqutigisaqarpat aningaasaateqarfiup tungaanut akornutaasinnaappata.

§ 19. Siulittaasup, taasumaluunniit peqataasinnaanginnerani siulittaasup tullia siulersuisut pisariaqartitsinikkut ataatsimiittarnissaat isumagissavaa imaluunniit siulersuisunut ilaasortat tamatumanga piumasaqarpata, kiisalu siulersuisunut ilaasortat tamarmik siulersuisut ataatsimiinnissaannut aggersarnissaat isumagissallugu.

Imm. 2. Siulittaasoq, taannaluunniit peqataasinnaangikkaangat siulittaasup tullia, ataatsimiinnerni aqutsisuusaaq.

Imm. 3. Siulersuisut aalajangersinnaatitaapput, siulittaasoq, taasumaluunniit peqataasinnaanginnerani siulittaasup tullia, siulersuisunullu ilaasortat ikinnerpaamik marluk allat peqataagaangata.

Imm. 4. Siulersuisuni aalajangikkat tamarmik ataatsimeeqataasut akornanni amerlanerussuteqarneq tunngavigalugu aalajangerneqatassapput. Taasinerit amerlaqatigiippata siulittaasup, taasumaluunniit peqataasinnananginnerani siulittaasup tullia taasina aalajangiisuusaaq.

Imm. 5. Siulersuisuni isumaqatigiinniernerit suliallu aalajangerneqarsimasut protokolimut allatorneqassapput, siulersuisunut ilaasortanit ataatsimeeqataasunit tamanit atsiorneqartussaq. Siulersuisunut ilaasortaq siulersuisut aalajangigaannut isumaqataangitsoq isummaminik protokolimut saqqummiussinissaminut pisinnaatitaavoq. Siulersuisut isumagissavaat protokoli isumannaatsumik toqqorsimaneqarnissaa.

Imm. 6. Ukiumoortumik nalunaarusiat kukkunersiuisunit oqaaseqaataaffiusussat assigisaallu suliarineqarnerini kukkunersiuisoq siulersuisut ataatsimiinneranni peqataasinnaatitaavoq. Kukkunersiuisoq siulersuisut ataatsimiinneranni peqataasussaataitaavoq siulersuisunut ilaasortap ataasiinnaalluunniit tamanna piumasarippagu.

Imm. 7. Kukkunersiuisut protokolii siulersuisut ataatsimiinnerini tamani saqqummiunneqartassaaq, siulersuisuni imaluunniit Naalackersiuisuni aalajangikkat naapertorlugit kukkunersiuisoq kukkunersiuisut protokoliinik allattuinnissamut piumaffiqarsimappat, imaluunniit kukkunersiuisoq kukkunersiuisut nalunaarutaannik suliarinninnissaq pillugu aningaasaateqarfimmik isumaqatigiissuteqarsimappat. Protokolinit ilassutitut allattukkat tamarmik siulersuisunut ilaasortanit tamanit atsiorneqassapput.

§ 20. Siulersuisut siumut aalajangereersimappata siulersuisut suliassaasa ilaat erseqqinnerusumik killilersukkat allakkatigut suliarineqarsinnaapput, sammisat pingaaruteqarneri tulluuttutut isumaqarfigineqarpata. Imm. 1-imi qanorluunniit aalajangersagaqaraluarpat siulersuisut ataatsimiissapput siulersuisunut ilaasortap ataatsip piumasarippagu. Siulersuisut ataatsimiinneri pillugit inatsisartut inatsissaani matumani aalajangersagai atuutissapput, siulersuisut allakkatigut ataatsimiinnerini allannguutit taamaaqataanik pisariaqartitatut atuupput.

Imm. 2. Siulersuisut attaveqaatit elektroniskiusut atorlugit ataatsimiissinnaapput (siulersuisut elektroniskiusumik ataatsimiinnerat) siulersuisut suliaannik ingerlatsinernut tulluutsinneqarsinnaappat. *Imm. 1-mi* qanorluunniit aalajangersagaqaraluarpat siulersuisunut ilaasortap ataatsip piumasarippagu siulersuisut namminneerlutik takkullutik ataatsimiittariaqarput. Siulersuisut ataatsimiinneri pillugit inatsisartut inatsisaanni matumani aalajangersagai atuutissapput, siulersuisut elektroniskiusumik ataatsimiinnerini allannguutit taamaaqataanik pisariaqartitatut atuupput.

Imm. 3. Taamattaaq siulersuisut uppernarsaatinik elektroniskiusunik paarlaatseqatigiinnissaq pillugu aalajangersinnaapput kiisalu attaveqaqatigiinnermi allakkat elektroniskiusut siulersuisut elektroniskiusumik ataatsimiinneranni atugassanik atuisinnaallutik, inatsit manna naapertorlugu uppernarsaatit pappilissatigut aallaavillit nassiussuunnerinut saqqummiussuunnerinullu taarsiullugit.

§ 21. Siulersuisut siulittaasoq pisinnaatissinnaavaat, imaluunniit taassuma pisinnaannginnerani siulittaasup tullia, siulersuisut sinnerlugit aalajangiisinnaatillugu, erseqqinnerusumik aalajangersarneqarsimasuni. Tamannali atorsinnaanngilaq aalajangigassani imaannaanngitsutut imaluunniit pingaaruteqarluinnartutut taaneqarsinnaappata.

§ 22. Siulersuisut aningaasaateqarfik aqullugulu ingerlatissavaat aningaasaateqarfiup siunertai, inatsisartut inatsisaanni matumani malittarisassallu inatsimmi aalajangersarneqarsimasut naapertorlugit.

Imm. 2. Siulersuisut sulinerminni siulersuisullu aamma aningaasaateqarfiup allattoqarfiata akornanni suliassanik agguataarinissaq pillugu suleriaatsimik aalajangiinermikkut erseqqinnerusumik aalajangersaanikkut aalajangissapput. Siulersuisut suleriaasiat taassumalu allannguutai aalajangerneqareernerini kingusinnerpaamik sapaatit akunneri sisamat qaangiutinnginnerini Naalakkersuisunit akuerineqassapput.

§ 23. Aningaasaateqarfiup suliai allattoqarfimmit allaffissornikkut aqunneqassapput. Tassannga aqutsisuusaaq pisortaq, allattoqarfiup suliaqarneranik ingerlanneqarneranillu akisussaasuusaaq, ilaallutik taassuma aaqqissuunneqarnera.

Imm. 2. Pisortaq siulersuisunit atorfinitsinneqassaaq soraarsinneqassallunilu siulersuisunut siulittaasup inassuteqarnera tunngavigalugu. Allattoqarfiup sulisuinik atorfinitsitsineq soraarsitsinerlu pisortap isumagisussavaa.

Imm. 3. Aningaasaateqarfimmi allattoqarfimmi suliainnik samminninnerminni pisortaq sulisullu aningaasaateqarfiup siunertai, Inatsisartut inatsisaanni matumani tassumalu malitsigisaanik malittarisassiat aalajangersagaasimasut malillugit ingerlanneqarnissaa peqataaffigissavaa.

§ 24. Aningaasaateqarfiup atuuffiisa aqunneqarnerat aaqqissuunneqarnerallu siulersuisut isumagissavaat.

Imm. 2. Aningaasaateqarfiup atuuffiisa ulluinnarni aqunneqarnerat pisortap isumagissavai, taamaaliornikkullu siulersuisut maleruagassiaat inassutigisaallu malittussaallugit. Ulluinnarni aqutsinermut ilaanngillat aalajangigassat, aningaasaateqarfimmut tunngasut siunertaalu malillugit imaannaanngitsutut

imaluunniit pingaaruteqarluinnartutut nalilerneqarsinnaasut, tamakkununga ilaallutik aalajangigassat aningaasaateqarfiup aningaasaataanik Namminersornerusut aatsitassarsiornermi sammisaqarneranni aningaasaliissutissanik aamma aatsitassarsiornermik sammisaqarnermi aningaasartutaannik matussusiinissanik atuineq kiisalu aningaasaateqarfiup aningaasaataanik Namminersornerusunut akiliisarnerit. Aalajangigassat taamaattut pisortap taamaallaat isumagisinnaavai siulersuisunit immikkut pisinnaatinneqaruni, aningaasaateqarfiup suliaqarneranut pingaaruteqartumik ajoqusiinngitsumik siulersuisut aalajangiinissaat utaqqineqarsinnaanngippat. Taamaattoqassappat pisortap aalajangersimanerit pillugit piaarnerpaamik siulersuisut tamatuminnaga nalunaarfigissavai.

Imm. 3. Pisortap isumagissavaa aningaasaateqarfiup naatsorsuutininik suliarinninnera tamanna pillugu inatsisartut inatsisaanni matumani malittarisassiuussinerit eqqarsaatigalugit ingerlanneqarnissaa, aningaasatigullu pisuussutininik aqutsineq isumannaatsumik tamatumalu inatsisitigut malittarisassarititat malillugit ingerlanneqarnissaat. Taamattaq pisortap isumagissavaa aningaasaateqarfiup aningaasaataanik atuineq akiliisarnerlu inatsisartut inatsisaanni matumani malittarisassat malillugit pisarnissaa, takukkit §§ 6 aamma 7, tamatumunngalu atatillugu siulersuisut malittarisassiai inassutigisaalu malillugit isumagineqassasut.

Imm. 4. Siulersuisut nakkutigissavaat naatsorsuuserinerup aningaasatigullu pisuussutininik aqutsineq aningaasaateqarfiup atuuffia naapertorlugu naammaginaratumik nakkutigineqassasut. Taamattaq siulersuisut akisussaaffigissavaat aningaasaateqarfiup aningaasaataanik atuineq akiliisarnerlu inatsisartut inatsisaata matuma malittarisassiuussineri malillugit pisassasut, takukkit §§ 6 aamma 7, tamatumunngalu atatillugu pisortaq malittarisassanik innersuussutinillu pisariaqartitanik tamanik tunissallugu.

§ 25. Siulersuisut siulittaasuata, taassumaluunniit pisinnaannginnerani siulittaasup tulliata, siulersuisunut ilaasortaq ataaseq, pisortaq, kukkunerisuiisoq imaluunniit Naalakkersuisut piunasaqarnerisigut siulersuisut ataatsimiisinnissaat isumagissavaa.

§ 26. Inatsisitigut suliani sammisassanilu allani aningaasaateqarfik sinnerlugu siulittaasumit siulersuisunullu ilaasortamik ataatsimik peqateqarluni imaluunniit pisortamik siulersuisumik imaluunniit siulersuisunut ilaasortanik marlunnik peqateqarluni isumagineqartuni aningaasaateqarfik pisussaatinneqarpoq pisinnaatinneqarlunilu.

Imm. 2. Siulersuisut isumaqatigiissutininik pisinnaatitsissutininik aningaaserivinnullu pisinnaatitsissutininik pisortamut allattoqarfimmilu sulisut marluk angullugit tunniussinikkut aningaasaateqarfik sinnerlugu iliuseqarnissaannik pisinnaatissinnaavaat, aningaasaateqarfiup aningaasaatai siulersuisut killilimmik aalajangigaat atorlugit aalajangiisinnaatillugit.

Kapitali 8

Aningaasaateqarfiup aningaasaataanik aqutsineq inissiisarnerlu

§ 27. Siulersuisut qulakkiissavaat aningaasaateqarfiup aningaasaatai ima aqunneqarlutillu inissinneqassasut, isumannaatsumik aarlerinanggissuseq sapinngisamillu amerlanerpaanik iluanaarutigineqarnissaat anguneqartillugit.

§ 28. Naalackersuisut aqutsisussamik ataatsimik arlalinnilluunniit toqqaassapput.

Imm. 2. Aqutsisut Kalaallit Nunaanni imaluunniit Danmarkimi angerlarsimaffeqartussaapput, Finanstilsynet´illu nakkutiginninneranut attuumassuteqartussaallutik.

Imm. 3. Aqutsisut aningaasatigut pisuussutinik aqutsinermut tunngasunik aningaasalersuinernillu isumaginninnernut ilisimasaqartussaapput immikkullu annertuumik ilisimasaqartussaallutik.

Imm. 4. Aqutsisut Kalaallit Nunaanni Danmarkimiluunniit suliffeqarfiit aningaasarsiornermik ingerlatsisut pillugit inatsisit naapertorlugit suliffeqarfimmik aningaasanik nalilinnik niuernissamik ingerlatsinissamut akuersissuteqartussaapput.

§ 29. Ingerlatsisut aningaasaateqarfiup aningaasaataanik aqutsillutillu inatsisartunut ilaasortaq manna naapertorlugit inissiisassapput, inatsillu malillugu malittarisassanik aalajangersaassallutik kiisalu imaallugu toqqissisimanartumik isumannaatsumik sapinngisamillu amerlanerpaanik iluanaaruteqartitsineq anguneqarluni.

Imm. 2. Aqutsisut suliatik Kalaallit Nunaanni Danmarkimilluunniit inatsisit naapertorlugit kiisalu aningaasatigut pisuussutinik aqutsinermi aningaasalersuinernillu isumaginnittarneq nunat tamat pitsaasumik iliortarnerat malillugit suliaminnik isumaginnissapput kiisalu ileqqorissaarnikkut malittarisassat isumannaatsut naapertorlugit isumaginnissallutik.

Imm. 3. Aningaasarsiornikkut suliaqarneq pillugu inatsit aqutsisut suliaqarneranni atorneqassaaq.

Imm. 4. Aqutsisut naatsorsuuserinermik ingerlatsissapput naatsorsuuserinermi pitsaasumik ileqqorissaarneq naapertorlugu. Ingerlatsisut ukiumoortumik immikkut naatsorsuutinik saqqummiussisassapput kiisalu aqutsisut aningaasaateqarfimmut taassumalu aningaasaataanik suliaqarnertik pillugu qaammatini pingasukkaartuni saqqummiisassallutik. Naatsorsuutit naatsorsuuserinermi pitsaasumik ileqqorissaarneq malillugit suliarineqartassapput kiisalu aalajangersakkat aningaasaateqarfiup siulersuisuisa aalajangigaat malillugit.

§ 30. Aningaasaateqarfiup aningaasaliissutai sammisanut Kalaallit Nunaata avataaniittunut inissinneqassapput.

Imm. 2. Aningaasaateqarfiup aningaasaatai agguariaaseq imaattoq malillugu inissinneqassapput:

1) Najoqqutat ernialersorneqarsinnaasut: 75 – 85 %

2) Najoqqutat namminerisamik aningaasaatigisanut tunngasut: 15 – 25 %

Imm. 3. Aningaasaateqarfiup aningaasaliissutai sammisanut inooqatigiinnikkut akisussaaffeqanngitsunut inissinneqassanngillat.

§ 31. Naalackersuisut aningaasaateqarfiup siulersuisunik tusarniaareernermikkut aningaasaateqarfiup aningaasaataanik aqutsinermut inissiisarnermullu erseqqinnerusunik malittarisassiuussisinnaapput. Malittarisassat qulakkiissavaat ingerlatsineq kiisalu aningaasaateqarfiup aningaasaataanik inissitsineq ima pissasut:

1) toqqissisimanartumik isumannaatsumik sapinngisamillu amerlanerpaanik

iluanaaruteqarnissap anguneqarnissaa siunertaralugu.

2) Aningaasatigut pisuussutinik aqutsineq pillugu aamma aningaasaliissuteqartarnerit pillugit nunat tamat pitsaasumik iliuseqartarnerat malillugu suliaqartarnek, aammalu

3) Ileqqorissaarnikkut toqqissisimanartumik malittarisassat malillugit.

Kapitali 9

Ukiumoortumik naatsorsuutit, kukkundersiueq Naalackersuisunullu nalunaaruteqartarnerit

§ 32. Aningaasaateqarfik ileqqorissaartumik naatsorsuusioriaaseq malillugu naatsorsuutinik suliarinnittassaaq ukiumoortumillu naatsorsuutinik saqqummiisassalluni, pitsaasumik naatsorsuuserinikkut ileqqorissaarneq malillugu suliarineqarsimasunik.

Imm. 2. Ukiumoortumik naatsorsuutinik suliarinninneq saqqummiussinerlu suliffeqarfiit inuussutissarsiuutinik ingerlatsisut ukiumoortumik naatsorsuutinik saqqummiussisarnerat pillugu assigisaallu. inatsimmi malittarisassat malillugit ingerlanneqartassaaq (ukiuomoortumik naatsorsuusiorneq pillugu inatsit) allannguutit tulluussaanerillu aningaasaateqarfiup immikkut pissusii malillugit iluarsineqarlutik.

Imm. 3. Ukiumoortumik naatsorsuutit ukiup naatsorsuusiorfiusup naareernerani qaammatit sisamat qaangiutinnginnerini siulersuisunit atsiorneqassapput.

§ 33. Aningaasaateqarfup naatsorsuutai kukkundersiuisumit naalagaaffimmit akuerineqartumit kukkundersiorneqassaaq, taanna siulersuisunit aamma kukkundersiuisup naalagaaffimmit akuerineqartup landskarsip naatsorsuutaanik kukkundersiuisartumit toqqarneqartussaaq.

Imm. 2. Kukkundersiuisoq siulersuisunit toqqarneqartoq (siulersuisut kukkundersiuisuat) ukiumut ataatsimut sivissusilimmik toqqarneqartassaaq, piffissani marlussunni ingerlaqqinnissamat toqqaqqinneqarnissaanut periarfissiineqarluni.

§ 34. Kukkundersiuisoq imaassanngilaq:

1) aningaasaateqarfiup siulersuisuinut, aningaasaateqarfiup aqutsisuinut ilaasortaassanngilaq imaluunniit aningaasaateqarfiup allattoqarfiani sulisuusanani, 2) tassaassanngilaq aningaasaateqarfimmut pinngitsoorani attuumassuteqartoq, siulersuisuinut ilaasortaanani imaluunniit pisortaanani allattoqarfimmiluunniit sulisuunani, naatsorsuutinik suliarinnittut nakkutilliisutulluunniit imaluunniit aningaasaateqarfiup aningaasaataanik aqutsisutut inissisimasuusanani, imaluunniit 3) inuk aningaasaateqarfiup siulersuisuinut, pisortamut imaluunniit imm. 2-mi taaneqartutut allattoqarfimmi sulisutut attuumassuteqartoq, tassa katissimalluni aapparisaatut, aalajangersimasumik aapparisaalluni, ilaqutaalluni imaluunniit toqqaannartumik toqqaannanngitsumilluunniit sakitut ukuatut inissisimalluni, imaluunniit avataaniilluni qanigisatut qatanngutaalluni.

Imm. 2. Siulersuisut kukkundersiuisuat imminut akusussaaffeqassaaq Kalaallit Nunaanni Danmarkimiluunniit najugaqartuussalluni.

Imm. 3. Kukkundersiuisoq Naalackersuisunit soraarsinneqarsinnaavoq,

kukkunersiuisup imm. 1 aamma 2-mi piumasagaatit eqquutsinngippagit, imaluunniit kukkunersiuisup § 13, imm. 2-5-imi piumasagaatit taaneqartut eqquutsinngippagit.

§ 35. Inatsisartut inatsisaanni matumani malittarisassat malillugit aningaasaateqarfiup naatsorsuutaasa saqqummiunneqarnissaat kukkunersiorneqarnisaaallu siulersuisut isumagissavaat, kiisalu qaqugukkulluunniit siulersuisut kukkunersiuisuannik toqqaaneqarnissaa isumagissallugu.

§ 36. Aningaasaateqarfiup naatsorsuutaanik kukkunersiueq suliffeqarfiit inuussutissarsiutinik ingerlatsisut ukiumoortumik naatsorsuutinik saqqummiussisarnerat pillugu assigisaallu inatsimmi malittarisassat malillugit ingerlanneqartassaaq (ukiumoortumik naatsorsuusiorneq pillugu inatsit) allannguutit tulluussaanerillu aningaasaateqarfiup immikkut pissusii malillugit iluarsineqarlutik.
Imm. 2. Tamatuma saniatigut aningaasaateqarfiup naatsorsuutai kukkunersiorneqassapput Namminersornerusut naatsorsuuserivat assigisaallu pillugu inatsit malillugu.

§ 37. Siulersuisut kukkunersiuisuatut sulilersup siulersuisut kukkunersiuisuatut suliunnaartoq saaffigissavaa, taannalu pissusaaffeqarpoq siulersuisut kukkunersiuisuatut sulilersoq nammineq soraarnerminut suna tunngaviunersoq ilisimatissallugu.

§ 38. Kukkunersiuisut pillugit inatsisartut inatsisaanni matumani malittarisassat taamattaaq kukkunersiuisup sinniisaanut atorneqassapput.

§ 39. Aningaasaateqarfiup sammisai pillugit siulersuisut ukiumoortumik Naalackersuisunut nalunaarusiortassapput. Nalunaarusiat siulersuisunik tusarniaareerlutik nalunaarusiaq suni imaqassanersoq Naalackersuisut malittarisassanik aalajangersaasinnaapput.
Imm. 2. Aningaasaateqarfiup ukiumoortumik naatsorsuutai nalunaarusiaalu Naalackersuisunut nassiuereerneranni kingusinnerpaamik ullut 14-it qaangiutsinnagit tamanut saqqummiunneqarnissaat siulersuisut suliniutigissavaat

§ 40. Siulersuisut allattoqarfillu kukkunersiuisut pisariaqartitaannik misissuinissaannut periarfississavaat, isumagissavaallu kukkunersiuisut paasissutissanik ikiorneqarnermillu pissarsinissaat, kukkunersiuisut suliaminnik isumaginninnissaminnut aningaasaateqarfillu tassungalu tunngasut pillugit naliliinissaannut pisariaqartitatut isumaqarfigisaattut.
Imm. 2. Imm. 1-imi aalajangersakkat Naalackersuisut misissuineranni paasissutissanillu pissarsiorneranni taamattaaq atorneqassapput.

Kapitali 10

Nakutilliineq, nalunaarsorsimaffik, eqqartuusivik immikkut ilisimasalik assigisaallu

§ 41. Naalackersuisut aningaasaateqarfik nakkutigisaraat.

Imm. 2. Aningaasaateqarfiup naatsorsuutinik saqqummiussisarnera,

anigaasaateqarfiup naatsorsuutaanik kukkunersuiisarnera kiisalu Naalakkersuisut anigaasaateqarfimmik nakkutilliinera pillugu Naalakkersuisut malittarisassiussisinnaapput.

§ 42. Anigaasaateqarfiup nalunaarsorsimaffia tassaavoq Nuuk.

Imm. 2. Anigaasaateqarfiup eqqartuussisulersuunneqarnera taamaallaat Nuummi eqqartuussivimmut tunniunneqarsinnaavoq, nunat tamat isumaqatigiissutaat malillugit allanik malitseqanngippat imaluunniit anigaasaateqarfik allatut isumaqatigiissuteqarsimanngippat. Anigaasaateqarfiup sammisai pillugit eqqartuussisulersuussinermi piumasaqaatit, ilaalluni inuinnaat inatsisitigut piumasaqaataat Kalaallit Nunaanni, Danmarkimi nunaniluunniit allani illuatungerisanut tutsinneqartut anigaasaateqarfiup Nuummi eqqartuussivimmut tunniussinnaavai, nunat tamat isumaqatigiissutaat malillugit allanik malitseqanngippat imaluunniit anigaasaateqarfik allatut isumaqatigiissuteqarsimanngippat.

Kapitali 11

Paasissutissat isertuussassat

§ 43. Anigaasaateqarfiup siulersuisuinut ilaasortat, pisortaq, allattoqarfiup sulisui anigaasaateqarfiullu kukkunersuisui suliaminnik isumaginninnerminni paasissutissanik ilisimalersimasaminnik pisussaataitanatik paasissutissanik isertuussanik ingerlatitseqqeqqusaanngillat imaluunniit atornerluisussaananatik.

Kapitali 12

Anigaasaateqarfiup atorunnaarsinneqarnera

§ 44. Anigaasaateqarfiup atorunnaarsinneqarnera taamaallaat Inatsisartut inatsisiliornerisigut pisinnaavoq.

Imm. 2. Anigaasaateqarfiup atorunnaarsinneqarnerani anigaasaateqarfiup anigaasatigut pisuussutai anigaasaateqarfiup akiligassatut pisussaaffii isumagineqareerpata Namminersornerusunut ikineqassapput.

Kapitali 13

Taarsiissuteqartarneq

§ 45. Siulersuisunut ilaasortaq imaluunniit pisortaq suliaminik isumaginninnermini piaaraluni imaluunniit mianersuaalliornikkut anigaasaateqarfik ajoqusersimappagu, pineqartup ajoqusiisimanerminik taarsiisussaatinneqassaaq.

Imm. 2. Imm. 1-imi aalajangersagaq taamatorluinnaq aqutsisut kukkunersuisullu eqqarsaatigalugit atuutissaaq. Suliffeqarfik aqutsisuusoq aqutsisussatut toqqarneqarsimappat, suliffeqarfik aqutsisuusoq inullu aqutsisussatut

toqqarneqarsimasoq, taarsiisussatut akisussaatinneqassapput. Imm. 2 taamattaaq kukkunersiuisunut atuuppoq.

Imm. 3. Taarsiisuteqarnissaq appartinneqarsinnaavoq qanoq pisuussuteqartigineq, ajoqusiinerup annertussusia kiisalu pissutsit allat eqqarsaatigalugit naammaginartutut isumaqarfigineqarpat.

§ 46. Siulersuisunut ilaasortanut, pisortamut, aqutsisunut imaluunniit kukkunersiuisunut eqqartuussivinnut tunniussinissamik aalajangernerit siulersuisunit imaluunniit Naalakkersuisunit aalajangiunneqassapput.

§ 47. § 45, imm. 1 aamma 2-mi inuit taaneqartut taamattaaq ajoqusiinerminnut taarsiisussatut akisussaatinneqassapput, suliaminnik isumaginninnermini piaaralutik imaluunniit mianersuaalliornikkut namminersornerusunik, akiitsoqarfigisanik imaluunniit allanik ajoqusiisimagunik.

Imm. 2. § 45, imm. 3, taammattaaq assinganik atorneqassaaq.

§ 48. Siulersuisunut ilaasortanik, pisortamik, aqutsisunik imaluunniit kukkunersiuisunik unnerluutiginninneq Nuummi eqqartuussivimmut tunniunneqassapput.

Kapitali 14

Pineqaatissiisarnerit

§ 49. Sakkortunermik pineqaatissiinerit inatsisit allat malillugit pisuussuteqarfigineqanngippata, ima iliortoq Kalaallit Nunaannut pinnerluuteqarnermut inatsit malillugu akiliisinneqarnikkut allatulluunniit iliuuseqarfiginninnikkut pineqaatissinneqassaaq

1) nammineq piumassutsiminik siulersuisunit tunuanngippat, pineqartoq § 13, imm. 2-5-imi piumasaqaatit eqquutsinnngippagit,

2) Siulersuisunut siulittaasutut imaluunniit siulittaasup tulliatut siulersuisut sinnerlugit siulersuisunit pisinnaatinneqarsimalluni aalajangiisussaataani eqquutsissimanngippagu, takuuk § 21, pkt. 1,

3) Siulersuisunut siulittaasutut imaluunniit siulittaasup tulliatut siulersuisut sinnerlugit aalajangiisimappat, imaannaangitsutut imaluunniit pingaaruteqarluinnartutut nalilerneqarsinnaasutut isumaqarfigineqartumik, takuuk § 21, pkt. 2,

4) Siulersuisunut ilaasortatut peqataasimaguni, siulersuisunut siulittaasup imaluunniit siulittaasup tulliatut siulersuisut sinnerlugit aalajangiisimaguni, imaannaangitsutut imaluunniit pingaaruteqarluinnartutut nalilerneqarsinnaasutut isumaqarfiginartumik, takuuk § 21, pkt. 2,

5) Siulersuisunut ilaasortatut imaluunniit pisortatut atorfeqartutut suliaminik isumaginninnermini akisussaaguni imaluunniit peqataaguni aningaasaateqarfiup siunertaanut, inatsisinut imaluunniit inatsisartut inatsiaat manna malillugu malittarisassat aalajangersakkat malillugit akerliusumik aqutsinermut imaluunniit ingerlatsinermut peqataasimaguni, takuuk § 22 aamma § 23, imm. 3,

6) Pisortatut siulersuisut maleruaqqusaat innersuussutaallu malissimanngikkunigit,

takuuk § 24, imm. 2,

7) Pisortatut aalajangersimaguni aningaasaateqarfiup atuuffii siunertaalu malillugit imaannaangitsutut imaluunniit pingaaruteqarluinnartutut isumaqarfigineqartuni, tamanna pillugu taamaaliornissaminik siulersuisunit taakkulu aalajangigaannik immikkut pisinnaatitaatinneqarsimanani, aningaasaateqarfimmut pingaaruteqartumik ajoqusiisoqarsinnaanerani naatsorsuutigineqanngitsumik, takuuk § 24, imm. 2,

8) Pisortatut naatsorsuuserineq, aningaasatigut pisuussutinik aqutsineq kiisalu aningaasaateqarfiup aningaasaataani atuineq akiliisarnerlu inatsisartut inatsisanni matumani maleruagassat malillugit iliornissaminik sumiginnaasimaguni, takuuk § 24, imm. 3,

9) Siulersuisunut ilaasortatut aningaasaateqarfiup naatsorsuusernerata aningaasatigullu pisuussutaanik aqutsinerup nakkutigineqarnissaa naammaginatsumik nakkutiginnissaat sumiginnarsimappagit, takuuk § 24, imm. 4,

10) Siulersuisunut ilaasortatut aningaasaateqarfiup aningaasaatai inatsisartut inatsisaanni matumani malittarisassat malillugit atornerarneri akiliutigineqartarnerilu nakkutiginnissaat sumiginnarsimappagit, takuuk § 24, imm. 4,

11) Siulersuisunut ilaasortatut isumagisimangikkuniuk pisortap piunnaasaatigineqartutut malittarisassanik innersuussutinillu pissarsinissaanut, aningaasaateqarfiup aningaasaataannik atuinnissaq akiliisarnissarlu pillugit inatsisartut inatsisaannik matumanik malittarisassanik eqquutsitsinissaq eqqarsaatigalugu, takuuk § 24, imm. 4,

12) Siulersuisunut siulittaasutut imaluunniit siulittaasup tulliatut siulersuisut ataatsimiinnissaat allattoqarfimmi aqutsisup, kukkunerisuisup imaluunniit Naalakkersuisut tamatuminnga piunnaaqarnerisigut isumagisimangippagit, takuuk § 25,

13) Siulersuisunut ilaasortatut isumaginngikkuniuk, aningaasaateqarfiup aningaasaatai, isumannaatsumik qularnaatsumik kiisalu sapinngisamik amerlanerpaanik iluanaaruteqartitsilluni aqunneqarlutillu inissinneqarnissaat, takuuk § 27,

14) Kalaallit Nunaanni Danmarkimiluunniit suliffeqarfiit aningaasarsiornermik sammisaqartut pillugit inatsit malillugut aqutsisutut pappilissanik nalilinnik niueruteqarnissamik akuersissuteqarani aqutsisutut suliamik ingerlatsippat, takuuk § 28, imm. 4,

15) Aqutsisutut aningaasaateqarfiup aningaasaataasa aqunneqarneri inissinneqarnerilu inatsisartut inatsisaat manna malillugu qulakkiinngikkunigit, kiisalu inatsit malillugu malittarisassatut aalajangersakkat malillugit kiisalu isumannaatsumik qullarnaatsumillu kiisalu sapinngisamik amerlasuunik iluanaaruteqartinnissaat isumagisimangikkunigit, takuuk § 29, imm. 1,

16) Aqutsisutut Kalaallit Nunaanni Danmarkimiluunniit inatsisat malillugit nunanilu tamani aningaasatigut pisuussutinik aqutsineq aningaasalersuinerlu pillugu pitsaasumik isumaginninnissaq malillugu kiisalu toqqissisimanartumik ileqqorissaarnikkut malittarisassat malillugit suliaminik ingerlatsisimangippat, takuuk § 29, imm. 2,

17) Aqutsisutut ileqqorissaarnissaq malillugu kiisalu aalajangersakkat aningaasaateqarfiup siulersuisunit akuerisaasut malillugit naatsorsuinermik qulakkiinngippagit kiisalu naatsorsuutinik saqqummiussisimangippat, takuuk § 29, imm. 4,

18) Siulersuisunut ilaasortatut qulakkiinngikkuniuk, suliffeqarfiit

inuussutissarsiormik ingerlatallit ukiumoortumik naatsorsuutunik saqqummiussisarnissaat assigisaallu. pillugit inatsimmi malittarisassat malillugit (ukiumoortumik naatsorsuuseriffiusumi pillugu inatsit) aningaasaateqarfiup ukiumoortumik naatsorsuutaanik suliarinninnissaq saqqummiussinissarluk isumaginngikkunigit kiisalu ukiumoortumik naatsorsuutit naammassereernerini qaammatit sisamat qaangiutsinnagit siulersuisunit atsiorneqarnissaat isumaginngikkunigit, takuuk § 32, imm. 2 aamma 3, aamma § 35,

19) Siulersuisunut ilaasortatut qaqugukkulluunniit kukkunersuiusut sinniisissanik toqqaanissaq qulakkiinngikkuniuk, takuuk § 35,

20) Siulersuisunut ilaasortatut suliffeqarfiit inuussutissarsiormik ingerlatallit ukiumoortumik naatsorsuutunik assigisaallu saqqummiussisarnissaat pillugu inatsimmi (ukiumoortumik naatsorsuuseriffiusumi pillugu inatsit) malittarisassat naapertorlugit aningaasaateqarfiup naatsorsuutaasa kukkunersiorneqarnissaat qulakkeersimannngikkuniuk, takuuk § 36, imm. 1,

21) Siulersuisunit toqarneqarluni kukkunersuiusut sulilersutut kukkunersuiusoq soraartoq saaffigisimannngikkuniuk, takuuk § 37,

22) Kukkunersuiusut imaluunniit Naalakkersuisut misissuinissamut periarfissaannik akornusersorsimappagit, takuuk § 40, imm. 1 aamma 2,

23) Kukkunersuiusut imaluunniit Naalakkersuisut pisariaqartitaannik ilisimasanik ikiorneqarnissamillu pissarsinissaannik akornusersorsimappagit, takuuk § 40, imm. 1 aamma 2, imaluunniit

24) Pineqartup aningaasaateqarfik sinnerlugu suliaminik ingerlatsinermini paasissutissanik isertuussanik ilisimalersimasaminik pisussaatitaanani ingerlatitseqqissimaguni atornerluisimaguniluunniit, takuuk § 43.

Imm. 2. Imm. 1 taamaallaat atorneqassaaq iliuseqarneq imaluunniit iliuseqannginneq piaarinikkut imaluunniit annertuumik mianersuaalliornikkut pisimappat.

Kapitali 15

Atuutilerfia

§ 50. Inatsisartut inatsisaat atuutilissaaq 1. januar, ukiumi tulluuttumi Inatsisartut landskarsip naatsorsuutaannik siullermeerluni akuerinninnerannit, tassani ersersinneqassalluni ukiumi naatsorsuuseriffiusumi Namminersornerusut aatsitassanit isertitaat ikinnerpaamik 5 millioner koruuniusimasut.

Imm. 2. Imm. 1-imi piunasaqaatit eqquutsinneqareerpata inatsisartut inatsisaata atuutilerfia pillugu Naalakkersuisut nalunaarummik saqqummiussissapput.

Namminersornerullutik Oqartussat, ulloq x. x. 200x

Hans Enoksen

/

Kim Kielsen